



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Heremi Dei Parae Matris Monasterii In Helvetia Ordinis S. Benedicti

Hartmann, Christoph

Friburgi Brisgouiae, 1612

Franciscvs I. Ex Baronibvs Ab Hohenrechberg Abbas Heremitarvm XXXII.
Princeps Imperii Decimvs Qvintvs.

urn:nbn:de:hbz:466:1-38545



FRANCISCVS I. EX
 BARONIBVS AB HOHEN-
 RECHBERG ABBAS HEREMITA-
 RVM XXXII. PRINCEPS IMPE-
 RII DECIMVS QVINTVS.

FACE, vt diximus, inter Confederatos, & fædit-
 simi belli damnata memoria, non solum Here-
 mitæ ab imminente periculo metuque paullo
 securiores esse cæperunt, sed eorum etiam sub-
 diti, quos eadem tempestas omnibus modis afflixerat vexa-
 ratque, paullo liberius respirare, & ad res suas attendere, in-
 censa ædificia restituere, in agrorum cultu versari, omniaq;
 ea tentare & moliri, per quæ ad pristinas opes, & felicitatem
 redire possent. Multum ad id cohortante, & adjuuante ab-

bare

bate Francisco egregiæ humanitatis, & bonitatis Principe. Sed posteaquam Nicolai partes amplecti, tuerique constituit Cæsar, statim ad Basilienses, anno octauo & quadragesimo, literas dedit, quibus fidem publicam Concilio abrogarent edixit, & cum moras inter se diuisi, & incerti facerent, Alberto fratri pro rebellibus persequi iussit. Quibus rebus adducti Magistratus Cæsari obedientes fuere. Et patres, postquam Basileæ conueniendi locus defuit, Lausannam Concilium indixerunt, xvii. Kalend. Iulij Sessione xlv. & postrema. Lausannæ ix. Kalend. Augusti, primam Sessionem celebrare. Anno quadragesimo nono, cum intelligeret Felix Cæs. Fridericum pro Nicolao magnopere laborare, & eius auctoritate, & exemplo inclinare eo reges Franciæ, Angliæ, Siciliæ, sponte pontificatum abdicauit, vii. Idus Aprilis, pacis & Ecclesiasticæ tranquillitatis amore, solitudinemque suam Ripalliæ Cardinalis titulo ab Nicolao donatus, & potestate legati transalpinis in prouincijs, & episcopatibus Lausannæ, Basileæ, Argentinæ, Constantiæ, Curriæ & Seduni, ibique magna sanctitudinis opinione paucis annis vixit. Vulgatus tum non absq; Felicis gloria, & omnium applausu versiculus: *Lux fulsit mundo: cecit Felix Nicolao.* Eadem opera vtrique Concilio Basiliensi, & Lausannensi finis impositus, octauo decimo, quàm, cæperant, anno. Nicolaus ab Lausannensi confirmatus xiii. Kal. Mai. tertia Sessione. Habuit mox Fridericus Comitiam frequentiam Aschaffenburgi, ibique, edicto publicato, Nicolaum pro vero, & legitimo pōtifice agnosci, & in veneratione esse omnibus imperauit. Anno quinquagesimo iubilæum Romæ celebrauit, sed non ea qua priores pontifices frequentiam, & concursu, sæuiente pene toto terrarum orbe atroci pestilentia. Anno l. Casparus ex nobili Landenbergerorum familia abbas sancti Galli foedus fecit perpetuum, & iurauit in Heremitarum arce Feficone cum Tigurinjs, Lucernensibus, Suitijs & Glaronensibus non absque opera, & conciliatione abbatis Francisci, illudque renouandum, & conseruandum omnibus posteris iniunxit. Eisdem protectores, & aduo-

catos S.

A. D. N.

CLV. CD.
XLVII.

A. D. N.

CLV. CD.
XLIX.

A. D. N.

CLV. CD.
L.

A. D. N.

CLV. CD.
LI.

A. D. N.
CLO. CD.
LII.

catos S. Gallensis Monasterij perpetuos adsumsit. Literis huius rei factis, datisque eadem in arce Feficone feria III. post Adsumtionem DEIPARÆ. Cæsar Fridericus hunc eundem annum in expeditionis Italicæ apparatu consumpsit. Id ubi Francisco compertum: & ducem Albertum qui superiores Auftriacas prouincias administrabat, haut dubie fratrem comitaturum, ab eo obtinuit, vt suæ apud Nicolaum pontificem legationis, & petitionis fautor, & intercessor esse vellet, haut grauatim, præcipua ducis facilitate, & in Principem nostrum amore. Anno secundo, & quinquagesimo ingrediente, maximo Principum Germaniæ, Bohemiæ, Hungariæ comitatu, versus Ialiam Villaco Carinthiæ exopido Cæsar cum adolescente Ladislao Hungariæ, & Bohemiæ rege, tetendit. Frater Albertus cum Sueua, & Rhonana nobilitate, & vtriusque prouinciæ Ciuitatum legationibus, per Athesinos in Italiam descendit. Romam VII. Idus Martij, omnibus coniunctis copijs, intrauere. Peracta mox, xvi. Kalend. Aprilis coronatione, memor Albertus promissi Francisco abbati facti, sollicitantibus quoque, quos ipse addiderat, legatis, apud Nicolaum pontificem Heremitarum postulata ostendere, & vrgere precibus cepit. Miram subito aduersus nostros demonstrauit Nicolaus benevolentiam, & propensionem. Igitur primum x. kalend. Aprilis nonnullas indulgentias concessit, certis eius festiuitatibus DEIPARÆ Sacellum visitantibus. Postea vii. kalend. Mai, id quod maximè Albertus, & legati Francisci quærebant, *eiusdem, vt ait, ducis Alberti, & Heremitarum precibus inclinatus*, abbatem, Monasterium, & omnes eius subditos, & annexos in annos quindecim proximè sequentes, ab omni iurisdictione, Dominio, potestate, Correctione, Subiectione, & superioritate episcopi Constantiensis, & quorumlibet aliorum iudicum ordinariorum, & superiorum quorumcumque exemit, eadem omnia solis Romanis pontificibus, & eorum Delegatis subiecit. Liberos eosdem & immunes pronunciauit à quibuscumque impositionibus, solutionibus, & præstationibus Deci-

ma; quin-

mæ, quintædecimæ, ac Datarum, Gabellarum, Collectarum, nec non charitativarum, & aliorum quorumcumque subsidiorum, & onerum, quavis occasione, vel causa impositorum, vel in posterum imponendorum: Abbatem, Monasterium, subditos, & annexos in suam, & Apostolicæ Sedis protectionem suscepit, sibi & dictæ Sedi immediate subesse voluit, & decrevit. Vtraque Bulla data Romæ apud Sanctum Petrum anno, & diebus supra memoratis. Pontificatus anno vi. Nonnullas alias Bullas in fauorem Francisci & Monasterij Heremitici Nicolaus edidit, in quarum vna Eugenij quarti Bullam decennalem, in alios annos quindecim proximè sequentes prorogavit, & valere iussit. Neque deinde longa Francisci abbatis vita fuit. Decimo quinto kalend. Augusti sequentis esse desijt. Successore Geroldo Saxensi, S. Geroldi tum Præposito. Rudolphi III. fratris germano.



GEROL-